

Шочмо эл, порылык да чын верч!

Будь готов /

39-ше (3531) №,
2021 ий 24 сентябрь,
кугарня.

Имде лий



1933 ий 1 февраль годсек лектеш.

0+

Шўм-чоныштым йочалан пуат



27 сентябрь –
Воспитательын да
школ деч ончыч шин-
чымашым пуышо
пашаеҥ-влакын кечышт.
Пайремда дене
шокшын саламлена!

«Чын воспитатель лий-
нет гын, йоча-влаклан шў-
мым пуыман», – тыге
ойлен педагог да писатель
Василий Сухомлинский. Тиде
ойым моткоч чынлан шот-
лен, Надежда Алексан-
дровна Полушина Оршанке
район Кугу Орша школ
пеленысе «Кече» йочасадыш
латкумшо ий почела кажне
кечын шўм-чон йўлен
вашка. Тўрлў ийготан, тўр-
лў койыш-шоктышан 23 ньо-

га дене вашкылым муын,
пырля модын, мурен-куш-
тен, ненчен, сўретлен да
возен, школ илышлан ямды-
лалтыт. Тылеч посна
Н.А.Полушина «Мый марла
ойлем» кружокым вўда
(снимкыште). Надежда
Александровнан тўн эгер-
тышыже воспитатель-влак
А.П.Мальцева ден Н.В.Кузь-
миных улыт.

– *Марий Элыште илена
гын, йоча-влак марла улы-*

*лышт, мутланен мош-
тышт, шонем. Тидым шо-
тыш налынак, кружокым
вўдем. Йоча тўня – тиде
йомак да модыш тўня. А
модыш гоч ньогам туньк-
таш куштылго: чылажы-
мат кумылын да писын
шарнен коदेश, – оила кугу-
рак воспитатель да музы-
кым вўдышў Н.А.Полушина.*

Л.ГРИГОРЬЕВА.
Фотом йочасадын архивше
гыч налме.



У тунем-
ме ийыште
Российын 48
регионыштыжо
«Кванториум»
йоча техно-
паркым по-
чыныт.

Икымше технопарк

Йошкар-Оласе Бауман лицейыште «Кванториум» икымше йоча технопарк пашам ышташ тўналын. Тудым «Образование» национальный проектн «Современная школа» федерал проектше почеш келыштарыме. «Кванториум» талантан йоча-влакын усталыкыштым вияндаш, ончыкылык профессийым ойыраш,

у проект-влакым илышыш шындараш полша.

Технопаркым почмаште Марий Эл Республик Правительстве Вуйлатышын икымше алмаштышыже М.З.Васютин, Марий Эл Республикысе образований да науко министр Н.В.Адамова да молат лийыныт (снимкыште).

Л.ГРИГОРЬЕВА ямдылен.
Фотом Интернет гыч налме.

Российысе увер

7-17 йаш йоча-влак,
«Доктор Айболит» всероссийский сўрет конкурсыш ушныза. Пашам 5 октябрь марте колтыза. Тўрыс уверым точка-жизни.рф сайтыште ончыза.

1-11-ше класслаште тунемше ўдыр-рвезе-влакым «Смотри, это Россия» всероссийский конкурсышко ушнаш ўжыт. 5 еган командым чумырен, lookitsrussia.ru сайтышке йодмашым пуыман да мастер-классым эртыман. Вара видеом ямдылен, сайтышке шындыман.

Школьник-влакын российскийысе толкынышт «МедиаКузня РДШ» всероссийский конкурсыш увертарен. «Видеосъёмка», «Фото», «Соцкыл» направленийла дене паша-влакым колташ лиеш. Рдш.рф сайтыште регистрацийым эртыман.

Эн писе да чулым

Ме (снимкыште) «Кросс нации» тагасымаште 1-4-ше класслаште тунемше-шамыч коклаште сенгыше-влак радамыш логалынна да моткоч йывыртенна. Ончыкыжымат спорт дене пенгыде кылым кучаш шонена.

Андрей ШУРМЕТОВ,
Рома ИШМАНОВ,
Дима ПЕТРЯЕВ.
Татарстан,
Агрыз, Буймо.



Фотом школын архивше гыч налме.

Арбор школыштат «Кросс нации» тагасымаш эртаралтын. Тыште сенгыше-влак Ростислав Васинкин, Адам Малинин да Оля Семёнова школын чапшым районышто араленыт да сенгышыш лектыныт.

Вика ШУБИНА.
Марий Турек район.

Историйым шергалына

*Генерал-фельдмаршал
Александр Васильевич
Суворовын вуйлатыме руш
войска Альпа курык гоч
воңчымыжо годым 1799 ий
24 сентябрьыште
Швейцарийыште
Сен-Готард перевалым
геройлын эртен.*

Марий Элысе увер

«Пушкин карте» программе дене Марий Элыште кок тўжем угла билетым ужальме. Тиде карте дене Медведево, Звенигово районла да Йошкар-Ола гыч самырык ен-влак чолган пайдаланеныт.

Кундемшытына «Чодырам арален кодена» всероссийский акция эртаралтеш. Тушко кажне кумылан ен ушнен кертеш. Тений 70 миллион пушентым шындаш палемдыме.

28 сентябрьыште Йошкар-Оласе Национальный тўссымыктыш галереийыште Русский музейын тўвыра да ончер рўдерже почылтеш. Тоштерын коллекцияже дене палыме лийын кертыда.

Йоча-влак, те телевизиорым изи годсек ончеда. Вудыш-влакын сыныштым, сылнын кутырымыштым, камер ончылно шкем чаткан кучымыштым эскереда. Тенданат нунын гай лияш кумыл лектын, очыни. Йошкар-Оласе «Promo Point» видеопродакшн студий пелен Телевидений школ пашам ышта. Тудым самырык рвезе А.В.Самоделкин вуйлата (снимкыште йоча-влак дене).

Вудыш-лийын керта



Телевидений школышко 8-17 ияш кажне кумылан ег-толын керташ. Тушто ончыкылык вудышым, тележур-

шкеак ышта. Удыр-рвезе-шамыч эн ончыч вудыш, корреспондент семын «модыт»: передачын унажлан йодышым ямдылат, икте-весышт деч интервью налыт. Операторын сомылжым шкеак шуктат. Икманаш, чылажат телевиденийсе гай.

– Лияш жапыште марий группым погашонена. Олаште марла кутырышо икшыве-влак

– Кызыт кажне гаяк удыр-рвезын социал кылаште блогшо уло. Нуно телефонышт дене тюрло онгай видеом войзат. Метидым профессионал семын ышташ туныктена, – оила Алексей Васильевич.

налыштым але блогерым куштат. Самырык ег-влакым камер дене пашам ышташ, тудын ончылно шкем кучаш, лудмашым корандаш, йылмым лывырташ туныктат. Тылеч посна видеолан сценарийым возат, монтажым

ятырын улыт. Мемнан деке районлаште илыше-шамычат ушнен кертыт, – оила А.Самоделкин.

Тале телевудыш але блогер лийнеда гын, вашкыза!

Х.АЛЕКСАНДРОВА.

Фотом школын архивше гыч налме.


Войзалташ вожылыда але лудыда гын:

- ➔ Лыпланыза. 6-10 гана нер дене кугун шудалтыза.
- ➔ Камерышке ончыза да шинча ончылныда калыкым суретлыза. Ончылнем йолташем шинча, да кызыт тудын дене кутырем манын шоныза.
- ➔ Шомакым йонгылыш ойлымо деч ида луд. Ситыдымашым программде полшымо дене торлаш лиеш. Адакшым шагалын шуртныде ойлен кертыт.
- ➔ Каласкалымыда годым илышыште лийше онгай тат-влакым шарналтыза да шыргыжса.
- ➔ Чоным пыштен мутланеда гын, ситыдымашдам ниге огеш шеклане.

Ида оркане

Шочмо марий йылме... Марий серызе-влак С.Чавайн, Я.Майоров-Шкетан, Шабдар Осып да молат тудын верч чот шогеныт. Шочмо йылмына эше ятыр ий илыже манын, меат тыршышаш улына. Республикыштына «Ямде лий», «Кугарня», «Марий Эл» газет-влак, «Кече», «Ончыко» журнал-шамыч савыкталтыт. Районлаштат савыктыш-влак улыт. Нуным лудаш орканыман огул. Кызыт подписке тургым кая. Газет ден журнал-влаклан возалташ вашкыза.

Юля ЯГОДАРОВА.
Советский, Кельмаксола.



Кажныже уста

Мый Коркатово лицейсе 2-шо «А» классын тунемшыже улам. Классыште – 17 йоча. Кажне икшыве молан-гынат уста: икте моторын воза, весе писын шотла, кумшо почеламутым сылнын лудеш. Мемнан усталыкнам Эльвира Ивановна Королева виянда. Туныктышына поро, ушан, йоча-влакым умылен моштышо. Ме тудын дене кугешнена.

– Кызыт «Кум акаш-шужар» («Три сестрицы») йомакын репетицийже кая. Тудым марий да руш йылмыла дене шындена. Районлашке лектын, марла ончыкташ шонена, – оила театрын художественный вуйлатышыже В.А.Пектеев.

Е.ИВАНОВА.

Полина АЛЕКСЕЕВА.

Морко район.

«Ямде лий» газет-лан возалташ ак – 369 тенгеат 12 ыр.

Индекс – П4696.

Реклама.



Книга геч
йшанле йолташ
уке.
Э.ХЕМИНГУЭЙ.

#Лүмгече

#Луд
#Лончыло
#Лий_ончылно



Поэтессе, Россия писатель ушемын енге, Марий Эл Республикын сулло туныктышыжо, Шернур район Кожласола ялын ўдыржө З.В.ЕРМАКОВА (снимкыште) 28 сентябрьште 75 ийым тема. Лүмгечеже вашеш тудын дене мутланышна.

– Зинаида Васильевна, сылнымутлан кунам шўмакында?

– 8-ше классыште тунеммем годым Шернур район Марисола школышко серызе-влак кугу делегаций дене толын-ныт ыле. Нунын коклаште Миклай Казаков лийын. Мый поэтын сцене гыч почеламутшым лудмыжым тўткын колыштынам, мотор костюмжым, марий тувыржым куанен онченам. Мўнгў толмеке, пўртна воктене шогышо писте, кок куэ нерген йўдвошт возenam. 9-10-шо класслаште марий йылмым да литературым писатель Анатолий Павлович Березин туныктен. Тудо сылнымут кружокым почын. Мый тушко коштынам.

– Умбакыже мастарлык-дам кушто таптенда?

– Надежда Константиновна Крупская лўмеш Марий пединститутыш тунемаш пурymeке, литератур кружокыш ушненам. Тудым Тамара Гавриловна Апатеева вуйлатен. «Сылнымутшыже» семинарышке коштынна. Мыланем Семён Вишневскийын, Миклай Казаковын почеламутнам лончылымышт моткоч келшен. Тыгак Пермь олаште эрта-

Миклай Казаковын кышаж дене



ралтше семинарышке миен коштынам.

– Те йоча-влаклан ятыр почеламутым возенда. «Чоя Марусь» книгада савыкталтын. Тушко пурышо почеламут-шамыч ике пырыслан-да пўлеклалтынынт?

– Пўтынек ике пырысем-влак нерген возenam. Кызыт кум пырысым ашнем: Мусям, Моисейым, Васёкым. Нуно чыланат утарен пуртымо улыт. Васёк балкон йымалысе бетон плита ончыл йолжо дене кылмен пижын ыле. Копа наре кугытан Моисейым уремшыте ужынам: ошкылын да йўралт каен, тарванен да йўралт каен. Ёмаште Мусям пуртенам. Тудын капешыже коршанге пижын пытен ыле. Почеламутем-влак ончычсо пырысем-шамычлан пўлеклалтынынт. Нуно чын лийше сўрет негызеш возалтынынт.

– Те Марисола школышто марий йылмым да литературым ятыр ий туныктенда. Тунемшыда-влак кызыт сылнымут тўняште кумдан палыме улыт. Йочашамычым сылнымутлан кумылаждаш могай йўн-влакым кучылтында?

– Марисола школышко туныкташ толмекем, «Ший онгыр» сылнымут кружокым почынам. Тыгак лўман газетым лукташ тўналынна. Йоча-влакын возымо

пашаштым тушко пуртенна. Школышто тиде йўлам кызытат шуят. 1989 ий гыч кажне арнян «Факел» газетым рушла-марла луктынна. Марий йылме да литератур уроклаште сочиненийым возыктенам да газетлашке колтенам.

– Марий юнкор ден марий йылмым туныктышо-влак-лан мом тыланеда?

– Йоча-влакын возаш кумылышт ынже воло. Туныктышо-шамыч сылнымут кружокым вўдышт, ўдыр-рвезе-влакым сылнымутышко «шупшышт» да сераш кумыландышт.

– Зинаида Васильевна, шушаш лўмгечеда дене шокшы саламлена. Пеґгыде тазалыкым, кужу ймырым, усталык пашаштыда лектышым да сеґымашым тыланена.

Х.АЛЕКСАНДРОВА
мутланен.


Авторын фотожо.

Чоя Марусь

Вурсалташ кеч ок йўрате,
Ўчызў коклан лиеш.
Ўстембак кўзен, рат дене
Тарелкам терген лектеш.

А шижеш гын
тамлым-тамлым,
Вигак Мусьлан кудалта.
Вара веле
шканже налын,
Кўварваке тўршталта.

Вет оза
ок вурсо шкетшым:
Когылян чыташ –
пустяк.
Йолташ верч тырша
Марусьна,
Чоялан
моткоч уста.



#Луд#Лончыло#Лий_ончылно

Книгагудышто – у проект

Шернур книгагудышто #За-Дело у проект почеш пашам ыштена. Тений экологий направленийым ойыренна. Книгагудыш коштшо йоча-влак дене ятыр пашам шуктена. Самырык режиссёр, актёр, музыкант, Шернур эрге Денис Шаблий дене икымше вашлиймаш лийын. Сердьякке энерын сержым эрыктенна, Сенгымашлан 75 ий теммылан пӧлеклалтше скверыште шӱкшудым кӱрынна. Йоча-влакым районн эн сай вершӧрлаже: «Лышташан ото-влак» ботанический чапкӱ, Марьян памаш, Лемде энер, «Ўжара» минерал вӱд,



Фотом книгагудын архивше гыч налме.

«Келшымаш памаш» – дене палдаренна.

Виче кундеммыш миен коштымына ӱдыр-рвезе-влаклан кужу жап шарнымашеш коদেশ, шонем. Котельнич оласе Динопарк, Палеонтологий тоштер, Виче энер, Зараменский курыкпомыш да моло моторлык ӧрыктарыше сынышт дене куандареныт.

Светлана СЕРГЕЕВА,
книгагудо пашаен.

#Лӱмгече

Лӱм: Богословский Дмитрий Фёдорович. Псевдонимже – Дим. Орай.



Шочын: 1901 ий 18 сентябрьште Шернур район Марий Пыжай ялеш.

Тунемын: 1913 ийыште Удельно-Пижайский училищым тунем лектын.

Произведенийже-влак: «Ояна», «Чолга шӱдыр», «Осып Ваня» повесть-влак, «Йошкар обоз», «Ача-ава кумыл» ойлымаш-влак, «Тӱтыра вошт» роман да шуко моло.

Паша: шке ялыштыже «У Пижай» колхозым почын, председательже лийын. Шернур районсо «Коммунар», Марий Турек районсо «Сталин корно», «Марийская правда», «Марий коммуна» газетлаште пашам ыштен.

Огай факт: Чорай псевдоним дене возкалаш шонен, но печатлыме годым шоалӱмын икымше

Марий серызе, журналист Дим.Орайын шочмыжлан – 120 ий.

букваже лектын возын. Тыге Орай лийын.

Шӧртнӧ «шондык»

Мый книгагудышто лудаш изинек йӧратем. Шуко ум, огайым пален налам. А мыняр историй факт-влакым рашемденам, йодышшамычлан вашмутым муынам. Книга тунеммаште сай отметкым налаш полша, чын возаш туныкта. Книга – тиде шӧртнӧ «шондык». Сандене лудаш изинек тунемман да тидлан жапым чаманыман огыл.

Даша ИВАНОВА.

Звенигово, 2-шо №-ан
Красногорский школ.

#Сӱрет_ончер



Ярослав ВАСИЛЬЕВЫН
сӱретше.
Татарстан, Агрыз, Буймо.

Тест

1. **Дмитрий Фёдорович** мыняр гана фамилийжым вашталтен?

- А) Икыт. В) Кокыт.
Б) Кумыт. Г) Нылыт.

2. «Дим. Орай – калыкын йылмыжым, ылышыжым палыше талантан писатель». Кӧ тыге ойлен?

- А) Г.Зайниев. В) Н.Лекайн.
Б) В.Крылов. Г) А.Айзенворт.

3. **Икымше ойлымашыже** могай газетеш але журналеш савыкталтын?

- А) «Марий ял» газет. В) «У вий» журнал.
Б) «Сталин корно» газет. Г) «Йошкар кече» газет.

4. «Чолга шӱдыр» повестьым кунам возен?

- А) 1944-1949 ийла. В) 1923-1929 ийла.
Б) 1945-1950 ийла. Г) 1941-1942 ийла.

5. **Писательын** могай ойлымашыжым венгр йылмыш кусарыме?

- А) «Йомшо кагаз». В) «Онар калык».
Б) «Ача-ава кумыл». Г) «Йошкар обоз».

Россий Федерацийысе цифровой вианмаш, связь да массовый коммуникаций министерствын окса польшыж дене лукмо.





Конкурсун учредительже – «Ший памаш» сылнымут фонд (вуйлатыше – писатель Василий Краснов).

2021 ийлан «Ямде лий» газет редакций ден «Ший памаш» сылнымут фонд йоча-влаклан «РВЕЗЕ ЙӰК» конкурсым увертарат.

Конкурсун тӱн шонымашыже:

- шочмо йылме, сылнымут полшымо дене самырык авторын чон арулыкшым аралаш;
- шинчымашыжым кумдандаш;
- возымо усталыкшым вияндаш йӱным ышташ;
- ончыкылык сылнымутчо, журналист-влакым кушташ.

Тыгай премий-влак пуалтыт:

Зинаида Яковлева лӱмеш – журналистикыште чолган возен шогышо юнкорлан.

Зинаида Емельяновна Яковлева 1933-1935 ийлаште «Ямде лий» газетын редакторжо лийын. Газетын икымше номерже лекмаште чот тыршен. 1950-1952 ийлаште МАССР просвещения министрлан пашам ыштен.

Антонов Ивук лӱмеш – почеламутым эн сайын возышо авторлан.

Самырык поэт **Антонов Ивук** (Антонов Иван Андреевич) йоча газет дене

пентгыде кылым кучен. Икымше почеламутшо «Ямде лийыште» савыкталтын. Н.К.Крупская лӱмеш Марий кугыжаныш педагогический институтышто тунеммыж годым газет редакцийыште литератур полкан пашажым виктарен.

Валентин Исенеков лӱмеш – школласе юнкор, литературно-творческий да сылнымут кружоклан.

Писатель да журналист

Валентин Борисович Исенеков 1967-1988 ийлаште «Ямде лий» газет редакцийын серыш-влак да тӱшка паша полкажым вуйлатен. 1970-1980 ийласе юнкор-влакын эн кугу йолташышт да сылнымут туныктышышт лийын.

Алеко Юзыкайн лӱмеш – Марий Эл деч ӧрдыжтӧ марий-влакын тӱшкан илыме кундемласе (Одо, Пошкырт, Татарстан, Виче (Киров), Свердловск, Угарман, Пермь) ойыртмалтше юнкор, литературно-творческий да сылнымут кружоклан але авторлан (йочалан).

Шулдыр Васлий лӱмеш премий – эн онгай мыскарам возышо юнкорлан.

Пошкырт кундем Краснокам район Чормак ялын эргыже **Алеко Юзыкайн** (Алексей Михайлович Юзыкайн) 1969-

Василий Васильевич Крылов (Шулдыр Васлий) 1991-1997 ийлаште «Ямде лий» газетын тӱн редакторжо лийын.

1986 да 2002-2003 ийлаште «Ямде лий» газетын тӱн редакторжо лийын.

Конкурс 2021 ий декабрьыште иктешлалтеш.

Конкурсун пурышо паша-влакым жюри аклаш тӱналеш.

Адрес: Йошкар-Ола, СССР Вооружённый Вийын 70-ше идалыкше урем, 20-шо пӧрт.

Автор але кружок 3 ий гыч уэш сеныше лийын кертеш.

Ик юнкор тӱрлӧ номинацийыште мастарлыкшым терген кертеш.

Поро шомак

«Поро кече», – пелештат гын,
«Поро кече», – вашештем.
Ты шомакым, куаналын,
Кажне кечын мый ойлем.
«Поро лийже, салам лийже,
Сай пошкудо», – каласем.
Ты шомакын юзо вийже
Мыланем чылт сылне сем.

Аня АНДРЕЕВА.

Кужэнер, Тошто Йӱледӱр.

Киса



Уремыште рӱмбалген. Мый кевытыш ошкылам, йыр ончыштам. Ужам: ончылно, корнышто, изи моклака коеш, тарванылеш. Лишемым, изи кайык чумедылеш. Кидышкем налым. Тиде киса. Огеш чонеште, ала-мо лийын? Чонемлан йӱсын чучо. Мый кевытышкат ыжым пуро, кайыкым налын, мӱнгышкӧ чымалтым. Йӱра авам кудышто ыле. Изи кайыкым ончышна: кисан ик йолжо эмганен. Авай мыйын сай. «Кайыкым мӱнгыштӧ эмлена», – мане. Кисалан кочкаш пуышна, яшлыкыш пыштышна.

Мемнан Кеша лӱман попугай уло. Тудат яшлык воктек толын шинче. Тылзе утла эртымеке, киса ден Кеша йолташ лийыч. Кисан сайынак тӱрланымекыже, эрыкыш колтышна. Кайыклан пӱртӱс лишылрак.

Динар САМОЙЛОВ.

Звенигово, Поянсола.

Порылык

поро дек веле толеш.

Альбертина ИВАНОВА.

Кугымөрүм – теле марте

Фотом
еш архив
гыч налме.



Кугымөр дене кызыт нигөм от өрыктаре. А ремонтантный урлык чылан уке. Тыгайым ачам кок ий ончыч шынден. Кызыт 33 түшка мөр уло. Пеледыш тылзыштак, аршашла шочын, ешнам куандара. Сүрем тылзыште изиш каналта, Сорла тылзын уэш помыжалтеш. Кызыт кум-ныл кечым коден, кок кило наре чевер саскам погена (снимкыште). Тыге теле марте. Лум толмеке, шошо марте папалта.

Даша СОШИНА.

Морко, Купсола.

«Ямде лий» 2021 ий 24 сентябрь

Электротулым аныккыза

Тендан
воштырешда
пүтырнаш лиеш.



Тройник ден удлинитель-влак шуко тулым «кочкыт».

– Миша, эн йолагай
яныккан мом шотлет?


– Кишкым!

– Молан?

– Тудо киен шинча, киен кочкеш, киен коштеш.



25 сентябрь – Кроликын түнямбал кечыже.



Сүрөттэм чыялтызым.

М. Шкетан лүмеш

Рекламе.

Марий кугыжаныш драме театр



ОКТАБРЬ

1	кф 18:00	ЮГОРНО / Песнь о вешем пути Эпос	А. Свирилонов	12+
3	рш 16:00	ШИЙ ПАМПАЛЧЕ Музыка	З. Долгова С. Янукович	6+
5	кш 18:00	ЭЛНЕТ Драма	С. Чавалин	12+
7	чт 18:00	FOLKS Сказки народов мира	С. Пектеев	6+
9	сб 16:00	ЙЫВАН КЫРЛА. ПУТЁВКА В ЖИЗНЬ Документальная драма	С. Пектеев	18+
10	вс 16:00	ОСКАР И РОЗОВАЯ ДАМА Драма	Э. Шмитт	6+
22	кф 18:00	УДЫР ТАНГАН МУЖЫР Комедий	В. Красногоров	16+
24	вс 16:00	ЧЕЛОВЕК ИЗ ПОДОЛЬСКА История одного допроса	А. Ланглов	12+
28	из 18:00	МАРИНАВТ-ВЛАК але ТЕВЕ КУШТО ИЛЫШЕТ! Комедий	З. Долгова	12+
29	кф 18:00	БАВАЙ / Ба Комедий	Ю. Тутыкина	16+
31	рш 16:00	САЛИКА Музыкальный комедий	С. Николаев	12+
СПЕКТАКЛИ ДЛЯ ДЕТЕЙ				
10	вс 11:00	КОЛОБОК По мотивам русской народной сказки		0+
24	вс 11:00	В НЕКОТОРОМ ЦАРСТВЕ Сказка	Е. Шашин Н. Кузьминих	0+

КАССЕ (8362) 78-13-78

SHKETAN.RU

Задаче

Олыкышто кум кролик шинча. Кажне кролик ваштареш кок кролик верланен. Чылаже мыняр кролик уло?



«Ямде лий» йоча газет
Түн редактор
Л.Н.ГРИГОРЬЕВА
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ: Марий Эл Республикысе культур, печать да калык-влакын пашашт шотышто министерстве.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательствым шуктен шогымым эскерыше Федеральный службын Приволжский федеральный округысо управленийшытыже регистрироватлыме.
Номер – ПИ №ФС 18-1999,
2005 ий 10 февральшыте пуымо.

0+

Печатьш пуымо жап –
14-00,
фактически – 13-00

Авторын да редакцийын шонымашышт түрлө лийын кертыт. Серыш-влак монтеш огыт колталт.
Ак – кутырен келшыме почеш.

Редакцийын да издателыне адресше:
424006, Йошкар-Ола, СССР Вооружённый Вийын 70-ше идалыкше урем, 20-шо порт.
Тел. 8(8362) 45-22-82(факс)

Математике кроссворд

Шөртнӧ шыже

Угыч тольо шөртнӧ шыже,
Олмапа пакчаште чеверга.
Йӱр пеш чӱчкыдын шыжа,
Лывыла лышташ йога.
Почын школ уэш омажым,
Тунемаш ме вашкена.
«Пӱртылташ ыле кенежым», –
Шӱлыкын ме ойлена.

Оля СТЕПАНОВА.

Морко, Шап Унчо.

Маска, ур да кайык кушто илат?



Йоча-влак, лыш-ташла гыч агытаным ыштен ончыза.

Мастар кид



Тушто

Понгым йӱратем,
Олмапат погем,
Коляпат поктылам,
Моткоч чулым улам.

Интернетысе сӱрет-влакым кучылтмо.

Мый моштем




Конкурс

Матвей ВЕДЕНЬКИН.
Шернур посёлко.

3	X		=	24	22				
	+				+				
	7				23	+		=	38
	=				=				
	X	3	=		:				
						X	7	=	
					=				
12	-		=	5					-
									27
:									=
					9	X		=	36
					:				
					15	x		=	45
					=				
					3	X		=	81
					:				
					16	-		=	9
					=				

Судоку

Шылтыме цифрым пален налза.



Понго-влакым лӱмышт дене келыштарыза.

Пундыштӱнвонго

Кузвонго

Пистывонго

Ӱйвонго

Волгенчывонго



«П» буква дене

Понго пагыт

Понгым погымо пагыт пурыш. Петя паккӱзым, пакетым пинчак помышыш пыштыш. Пеленже – пондо. Пасу покшелне папкам погыш. Пундыш покшелне – пенгыде пундыштӱнвонго. Пӱкшермат пӱкшлан пеш поян. Петя, пӱкшым, понгым погалтен, пычкемышалтмеке, пӱртыш пиалан пурыш.

Анастасия КУЗНЕЦОВА.

У Торъял, Немда.